

Per trutgs e pitgognas dals 03-06-2011

Proposta da Joachim Wasescha

Rona - alp Tscharnoz - Savognin

Excursiun cun bellas vistas giu la val ed ina bella flora, il mument spezialmain la cresta-cot. Ins parta da Rona, traversa la Gelgia e marscha sin via natirala, per gronda part tras il guaud, en direcziun aclas da Spegnas. Bainspert suenter traversa ins il vallun da Livizung ed arriva al cunfin dal guaud. Sin il banc davant il bargun da Tscharnoz u sin la Motta Tscharnoz po ins giudair la bella vista cunter Surgôt cun il lai da Marmorera e la chadaina da l'Err sur l'alp Flex. Ussa suonda ina via panoramica cun bleras crestas-cot e vista sin Sotgôt e Planeiras. A Tarvisch, l'alp da vatgas da Savognin, datti in post da grillar cun ina maisa gronda e la pussaivladad da cumprar latg durant il temp che l'alp è chargiada. Nus cuntinuain la via panoramica tras la pastgira enfin Pro Barnagn nua che la descensiun entschaiva che maina giu tar las aclas da Parnoz. Sur Parseiras e Schischen arriva ins a s. Martegn, la part sura da Savognin cun la bella baselgia barocca da medem num cun il renumà plafond che represchenta la "Gloria del paradiso", in'ovra monumentalada da 1681 dals frars Nuvolone da Milaun.

Distanza	13 km
Ascensiun	700 m
Descensiun	950 m
Durada	4 ½ - 5 uras